

供億搜掘窖藏繼乃搶割農產禾麥未熟而田疇已空廬舍則焚燬無存草根樹皮掘食殆盡流亡死喪不知幾何人矣初遣千人援赤水里之賊至高尖口為川軍敗回至劉嶽昭大軍入遵又選精銳三千援綏陽至四面山為遵義團甲所殲得脫者不過十數人至此賊勢大衰譚賊窮蹙潛率親信數十人至劉軍大營求降忠義寨主楊子香築寨抗賊歷年積累與抗誓不從賊至是偵知譚賊將過其境選勇丁伏於險要突出執而殺之餘賊驚潰積年巨寇始告削平

續遵義府志卷二十八

年紀三 自同治四年乙丑起至宣統三年辛亥止

同治四年七月劉名貴掠綏陽鳳山寨李家福敗之王廷英宋玉山簡圓淵等掠遵義火石坎團眾及川軍何行保敗之

時綏陽賊北恃天台山為犄角南恃鄭塲清水坪老號為應援川軍掃蕩而前猝難圍城會軍中大疫死頗眾固壘與賊相持劉名貴等乘間出畧東南鳳山寨李家福遣軍敗之 遵義知府馮澍防賊襲城樹鹿角柵於郡城城垣南鄉火石坎寨距城二十餘里

為入城要道賊欲下之以便圍城圍月餘不去寨首張純上書求援澍初遣永安里團練偕官軍進湯家壩至沙田桐麻堰三木壩與賊戰陣亡練目李超等澍飛檄鳳梧村長生寨寨首張兆蒲源清大義寨寨首余登明等率團援助前後夾攻初三日破賊壘三斃賊多名胡花花鎗宋玉山簡圓淵諸賊首復集大股來助澍乞劉嶽昭援嶽昭檄何行保馳赴澍添募練勇三百以署協標守備蔣洪順率練助攻仍檄長生大義兩寨團練會援自二十三日戰至二十八日兵賊互有損傷無勝負澍密商行保暗遣團首胡國

銘孫文光等潛至賊營放火燒賊棚賊不及救亦放火焚寨外小屯延燒民房數百戶兵練應時至寨主張純亦率練殺出陣斬教匪首宋三元等宋玉山等奔龍圖山餘賊遁縣西母氏壘余氏溝亦有竄縣北海龍壩陸家塢高平觀音閣掠民穀者而寨圍遂解後月餘宋玉山等糾眾復來圍外援不至亦偽從賊焉

八月賊圍遵義縣北毛家寨何行保援之

寨在北永安里毛家山南至城六十里同治二年歲貢劉世安倡築至是賊遽攻之居民三百餘人忽促入寨守禦度力不敵寨首劉世安權詞緩賊一面飛

續遵義府志 卷二十八 年紀三

二

乞川軍忠字營管帶何行保來援行保方由火石坎回適在遵境回軍援之賊乃解圍去

九月劉嶽昭督兵攻拔天台山賊壘進逼綏陽城川軍副將劉鶴齡援黔入桐梓攻鏢尖山

綏陽城賊恃天台險要用力死守以為屏蔽屢攻不下黃白各號乘勢夜掠諸寨圍阻饒道並犯嶽昭黃泥橋營不得逞吳元彪乞援於何德勝安雷鉢諸賊雷鉢旋至茅坡與元彪合掠盤安寨嶽昭乞川督增軍川督復遣耀安營總兵成耀星副將潘長青等赴援而遵義諸賊亦乘勢攻東南反正各寨黔西大定

續遵義府志 卷二十八 年紀三

三

潰賊亦趨遵義西鄉嶽昭難於兼顧念非攻拔天台以下綏城不能大振軍威十六日親往督戰斬臨陣退縮守備詹志道廖德懷等軍心齊奮斃賊目數十賊匪數千天台立拔同時湄潭平定營即劉名貴老巢亦為龍泉田宗烈團營攻下川軍到綏數月以來員弁戰歿病故數十人嶽昭弟嶽昀亦積勞卒兵勇死亡者亦二千餘乃派員至蜀招募補充天台既下綏陽城勢已孤乃進軍圍之駐川楚軍副將劉鶴齡率楚勇二千繼劉嶽昭由綦江出趕水進至松坎桐梓縣叛團遏難遂勒之初桐梓屬夜郎等五里民最悍自楊鳳亂後強團往往借事抗官尤以夜里太和團王正儒正伸盧里張開梓為最自王正儒被誅後前見正伸繼之與會匪李炳南令狐春庭張三鳳等陰相結各據有屯寨正伸以鏢尖山險要據為巢穴陰附朱明月吳元彪等牽制川軍後路鶴齡入黔境進兵逼之地方人士初議毀鏢尖若趙運怡提團務爭存之繼運怡後者如穆復膏及令狐春庭皆與賊通氣

十月劉鶴齡擊滅會匪張三鳳等仁懷縣號匪石洪明等掠黔邊桐梓始建教堂

會匪張三鳳據太平橋為鏢尖山應援劉鶴齡會同綦江團眾擒之於太平橋乃合圍鏢尖山並擊破附

近白楊關金華石諸寨攻累日鏖尖山不下陣亡總兵劉洛望千總楊洪貴龍會雲等鶴齡知鏖尖尚恃令狐春庭等援救檄募江團首舉人楊材選桐梓縣婁里團首李聯輝楊秀江等合擊附近鏖尖通賊各寨寨至下月初材選等擒令狐春庭父子送鶴齡營誅之 白號石洪明等據仁懷縣數出踰河至四川永寧縣邊境掠古蘭司防邊管帶許蔭棠屢擊不勝趙仁懷廳掠乘龍山仁懷同知周秉正率練至土城猿猴防禦總兵李有恒會蔭棠邀賊落用距土城六十里亦不利平黔紀畧時提督周達武領川軍防黔邊賊已由仁

懷廳出天鵝池至官渡場達武慮其竄至合江遣軍進擊賊不支退大錫廠達武軍阻水以槍礮遙擊應槍而斃者數百賊悉棄所掠財物遁去 法國司鐸沙布爾建堂於桐梓縣城南正街先是同治二年沙布爾至桐勸人民入天主教從者漸多至是始建教堂兼置田產

十一月初四夜黃號賊宋玉山等以苗匪夜襲入郡城團民巷戰禦之賊旋退去城危復安劉嶽昭大破各路援綏陽賊黨賊攻遵義縣南各寨

宋玉山自白巖溝以精悍苗教匪數十人襲城自率

大隊約見火光繼進時楊子和陷賊中已密洩於城而城內兵練多分調各鄉守陴者皆鄉民不以為意三更時賊自府署後玉屏山梯入守者驚覺賊已畢登軍功余文遇賊大呼賊殺之分股趨西南為守礮臺營兵楊有發王樹勳何正謨等開礮轟擊賊卻悉趨城北守門兵逃去奸民陳篋匠等開北門城外私伺賊二十餘人亦擁入於是拱安關內三百餘戶男女避出有投河自盡者賊入城即燒房幸未多沿燬城防局增生馮謙急往城北督團適遇賊被害隨行局丁亦受傷賊至營門口署守備蔣洪順邀於巷開

礮堵禦藥潤未然退走火神廟巷賊跟追燒紫荊花民房亦未多焚遂至楊柳街外委鄧元章放箭中一賊賊稍卻洪順迴禦復不支退經歷司巷口適劉嶽昭遣至新城採辦軍需親兵十餘人聞警應援與賊巷戰鎗斃一賊兵亦傷一人賊退回營門口先是賊分股由營門口大街至觀音堂煤市街外委李時龍截之不勝被殺放火燒房會天雨火燄不作遂橫趨縣門口團民閉柵欄不得入返走琵琶橋城防團首督守柵圍丁開礮賊目負傷亦奔回營門口時街民之能戰者持械呼逐之而洪順與嶽昭親兵乘勢截

殺餘賊乃退出北門而去洪順督兵閉門郭外拱安
關圍首庠生譚杰慮賊復入亦閉關是役城無備後
賊以未見火光亦竟不至天明城防局紳劉際雲調
孫文光團練至不數時何行保軍亦由四面山馳至
明日川軍成耀星潘長青率隊至督辦軍務前署遵
義知府莫超宗亦由陸家坳率軍回城人心始定方
賊之襲入也代遵義知府即署縣馮澍署協副將賀
朝綱莫為計趨城南樓相向泣已而署縣趨城東適
閤城居民多走東門圖出避守門把總陳雲龍嚴防
有扭鎖者輒手刃之民不得其門而出多縋城逃者

惟老弱男婦幼穉子女塞途自關帝廟至城門幾無
隙縫以是擠踏傷斃者亦百餘人劉嶽昭聞訊因稟
張亮基言莫超宗辦事有名無實太不可恃當喫緊
之際反將練勇撤散於城守漫無布置嶽昭所調糧
星長青及行保等均為遵義官民遮留致嶽昭有增
兵之名無攻勦之用此次援軍每月由川籌給軍火
口糧等銀六萬有餘款不為不巨無如時艱賊狡兵
力畧單不免智勇俱困惟請增援遵義而亮基以省
垣惟趙德光一軍為數不滿萬人餘皆零星小隊防
勦猶恐不敷難以分援奏請以嶽昭節制遵義文武

各官遵屬軍務悉歸嶽昭一手經理駱秉章亦自川
致書張亮基詰責馮澍以老城之失賊不過三四百
人足見平日毫無防範並指澍借事苛派民心不固
亮基乃撤澍任並奏道員莫超宗在遵督辦年餘所
部練勇無異於賊任用非人為所鉗制致滋民怨繼
借故外出益長賊風所紮北興寨民不堪其擾於是
超宗亦褫職去賊首王廷英以宋玉山襲郡城入而
旋出深咎馬坎關降眾不協助疑楊子和有異自率
隊至馬坎關遣子和為先鋒復襲城初六日夜廷英
適病子和負梯上城故撞鹿角柵驚眾城上開鎗投

石不得登而退並自傷額角以堅賊信 吳元彪被
圍急寫血書藏竹杖遣人持往各賊營乞援約朱明
月向宗慶出綏陽東王廷英出遵義東南宋玉山劉
崑山出遵義東北至二十二三兩日會齊勝則入不
勝則趨桐梓合據新棧牽制川軍書為嶽昭軍盤獲
剖竹悉賊約仍藏竹遞賊營遣軍至綏陽蠻王洞防
賊來路藍山虎果約朱明月及粵匪紅號李福猷餘
黨至被嶽昭軍擊敗斬偽侯范春陽及偽元帥都督
二十餘賊嶽昭飛檄成耀星潘長青二十一日由遵
義進軍團澤口以玉屏寨胡金堂團練作鄉導金堂

甫至土地垵王廷英率胡花槍等賊適至與戰不支金堂負重創官軍繼進大敗之追及洪江斬廷英弟得意斃二千餘賊屍塞河水水為盡赤廷英負創走老蒲塲奔尚稽塲是日朱明月等亦走上坪嶽昭軍遇諸途與戰陣斬向宗慶追奔二十餘里賊尸徧野劉崑山圍遵義北之全義寨嶽昭遣何行保赴援檄各軍由高規進飛知成耀星潘長青由團澤口拔軍會攻並檄觀音閣營哨急扼五后水去路崑山初據四面山塲外小橋退據大橋各軍以礮轟斃三百餘賊賊又退入行保原屯舊營死守不出右翼軍副

將劉正廷與行保攻其後耀星長青攻其前各軍距踴齊入生擒崑山餘賊盡殲賊中精銳死士畧盡崑山願說降遵西各賊嶽昭許之釋還 遵義南鳳梧村長生寨為舉人張廷椿建築廷椿歿以其姪洸與蒲源清主寨事宋玉山簡圓淵集大股逼降火石寨移圍長生越四十日求援無應源清不得已走降豬塲老賊營賊約不犯移攻大義寨寨首余登朝善守禦久不下賊說之降登朝答以他寨降則降陽公臺寨與大義寨相距五里賊急攻之寨首吳占鼇不支許降賊以登朝有約在先責大義寨速降會寨水涸

從之及水足竟負約拒賊三寨皆獲保全

十二月賊毀松坎釐局劉鶴齡擊走之劉嶽昭復破綏陽援賊從賊各寨皆反正宋玉山等乞降

鐸尖山團匪王正伸李炳南等結油羅口梯巖趙仙楊老么等匪襲沙灣劉鶴齡糧臺不逞順道毀松坎釐局委員候補同知直隸州胡濟謬大塘州判宣昭書手單仁山皆遇害鶴齡遣軍擊走之益逼鐸尖山礮裂其外牆遊擊譚見喜中礮歿 吳元彪乞教匪首劉義順援義順以偽軍師田書文率千餘賊會朱明月往劉名貴率二千餘賊突圍出據上坪將趨旺

草塲襲東北官軍後嶽昭遣軍往攻距上坪四里賊分途迎戰各營旋分旋合眩亂賊陣斬書文與名貴弟科弟暨何易兩偽將軍等上坪賊悉眾助戰亦敗各軍躍壘入殺賊殆盡名貴負創遁至是而綏陽南路被脅杉木壩母豬孔官田壩飛雲菴仙人洞方家洞袁家洞大消坑水緯溝唐寶石各寨洞遠而湄潭附從唐振興與何安諸教匪遣偽將軍華羨唐呈繳偽扎印先後乞降嶽昭派員至遵義招撫楊子和單騎入遵義縣城謁馮澍又至綏陽謁嶽昭面陳當日遭亂實情願殺賊自効嶽昭諭以暫勿輕動俟大軍

至內外夾攻閱兩晝夜由馬坎關率眾轉天和寨約各賊來寨議降宋玉山初猶崛強不從以張升菴指陳利害玉山知不能獨異與簡圓淵等皆願降玉山圓淵升菴等遂與其黨楊占熊趙天量李玉成唐麻六楊映唐蕭元魁等詣嶽昭軍前嶽昭均令立功贖罪後月餘圓淵仇家誘殺之於湯巴坳山王廟前踰年玉山復欲勾賊為亂為援黔軍塞閭查獲誘至城誅之

同治五年丙寅正月署仁懷縣汪麗金迎川軍擊敗羊窩大小屯賊劉嶽昭移節遵義府擬築隄蓄水因綏陽

城

時麗金駐官渡場提督周達武統川軍防合江號匪首譚繼虞等出據石寶寺大灘羅漢寺等處麗金迎達武軍擊之賊敗走高嵌口口狹難容多人官軍蹙之殺斃墮巖者近三千達武旋馳防綦江仁懷廳團紳張廷凱等上書川督駱秉章畧曰廳處偏隅距黔省遠兼川省庫欸絀勢難兼顧自號匪據大小屯寺縣城不守而廳境疲於防禦第賊黨雖多半為饑寒所迫其據羊窩老號不過千餘而已去冬至今時窺廳城若順流而下恐江津合江亦危請檄大兵復縣

城廳圍自解廳屬地方遼濶軍興以來所募練勇防堵經費皆出自民間釐金收欸並未發給團練各鄉迭遭蹂躪此次焚燬米穀不下數萬石民力更覺不支若賊詞知廳城將不守云云秉章以有軍赴援難更增軍俟劉嶽昭復綏陽再議進取 遵義賊多降吳元彪勢孤仍死守綏陽不下嶽昭採眾議築綏陽城外河隄蓄水以困之一面檄張日崙偕徐本謙說元彪降元彪不之信久留日崙不遣嶽昭怒加工築隄欲以灌城一日方登天臺山閱河勢賊趨上嶽昭揮軍擊之賊戰益劇陣亡參將彭萬俊嶽昭乃還營

旋接降人唐振興稟報王廷英進遵義羊巖趨綏陽樸老場何德勝遣子天寶率四千餘賊中雜青苗出湄潭聚寶場七星坡援綏陽聶定邦諸賊自高臺窰上進窺遵東石洪明等賊由仁懷掠據遵西嶽昭慮新降各寨人心搖動檄總兵李家福謝景春等圍勦綏城自率中軍老營赴郡城駐節撫緝降眾遣劉崑山更名宋玉山 德全 簡圓淵 更名子玉 分道擊遵西石洪明等復遣忠字各軍扼遵東大屋基寨防甕安賊大屋基與高臺窰上僅隔烏江於是張亮基奏言劉嶽昭到遵後不數月間勦撫兼施漸次肅清固由嶽昭

謀勇兼優亦由餉需克濟故無掣肘黔省之患不在賊衆而在餉絀於此尤可概見倘蒙飭令獄昭專辦黔中軍務仍由四川濟以巨款不難即日蕩平是月獄昭拜巡撫雲南之命

二月劉鶴齡平鐔尖山劉獄昭大敗何德勝援賊

鐔尖高出衆山周約三四里沿山為城有水不涸鶴齡外築長濠因之下掘地道轟之凡近山各寨金華石仰尖山二十餘處皆下獨此山堅拒鶴齡招降趙老么等許以不死團衆自度不免於是王正伸趙鐵匠即前賊桐梓知縣陳世銛者李炳蘭等出降皆誅之楊仙夜縋

續遵義府志 卷二十八 年紀三

十二

逃至免埡圍首王家文擒獻軍前與被獲之穆福膏一同正法鐔尖山自王正儒盤踞後歷十餘年至是始平鶴齡釋正儒諸子毀其寨而還先是王廷英入遵南趨尚稽場至嘴場轟定邦入遵東趨羅家鋪鄧家營劉獄昭檄忠字營暨各軍共圖之賊聞遁歸十五日何德勝子天保率大股出麻窩將抵三渡關獄昭軍禦於核桃坪前後夾擊賊不支遁對柿埡擒天保斬之殲悍賊千餘至七星坡又敗賊首王德盛斬苗匪百餘人元彪再遣藍山虎乞何德勝援德勝以子死自率黨至七星坡猛攻官田壩母豬孔軍營

各軍力禦卒擒斬德勝弟天勝藍山虎子二狗與賊黨四百餘人賊勢遂衰

三月吳元彪以綏陽城降仁懷知縣汪麗金入城旋病卒賊復據城劉獄昭飭馮樹李家福等肅清遵義西南餘匪

綏陽諸軍日夜築隄高踰城西南隅不沒者三版賊大懼送張日崙徐本謙還附書乞降營務處道員林肇元飛稟劉獄昭獄昭以賊降有三利感賊衆一也惜民命二也可遣攻他賊三也飭令許之於是元彪名貴率黨四千七百十一人眷屬二千二百三十口

續遵義府志 卷二十八 年紀三

十三

詣軍前降獄昭奏釋元彪名貴易元彪名為奇忠名貴名為奇義挑選精銳降衆千二百人為果後忠義兩營各予管帶職助勦石洪明餘悉遣散藍山虎亦願降為內應何德勝聞之遁回尚大坪綏陽遵東畧清汪草墩仍走遵西張亮基奏畧曰元彪本遵義練目三年以罪逸據七星坡糾黨嘯聚曾有稟訟冤嗣屢招不來劉獄昭圍攻十月負隅如故今不得已始行乞命實屬不赦獄昭貸其一死以風示羣賊是或一道然不可留之遵義即令隨獄昭軍借資鉗束以杜後患仁懷縣城久淪於賊知縣汪麗金駐官渡

場為復城計按糧加征募練千人仍以安邦元為前鋒至安里小水坎寨城賊聞之先遁邦元強麗金入城寓城隍廟麗金旋以冒雨入城致病就醫茅台草紙壩而卒縣城復為賊據 劉崑山釋歸後會石洪明由仁懷犯遵西崑山復暗與之合遂肆意攻寨初攻豐樂寨寨首趙蓋忠移物他去入無所掠移襲大山寨為三元附寨復攻巖阿洞為西陵附洞二十一日破之殺掠一空死大小丁口一千有奇再攻沙鈔園大平坡西超寨寨高乏水圍久眾涸奔潰洪明入掠餉積擁眾由沙溪趨天旺里白蠟坎劉嶽昭檄李家福營木

根寺何行保營白雲寨固西路以遵南團練援北路挑遵西南團練扼螺螄堰隔絕洪明與王廷英交通之路洪明圍犀牛寨家福往援與戰失利亡弁兵數百急檄降人楊子和率降眾楊森枝等中離家福行保軍隊旗鼓與戰於木華寨外擒洪明及偽統兵劉玉山等斬之賊退子和請家福潛出軍隊邀擊又擒崑山解城正法犀牛圍解吳奇忠元彪改名劉奇義名貴改名自請赴前敵隨家福至泮水克高洞獲糧甚多時嶽昭駐遵城遵城至貴陽大道久已不通嶽昭檄馮澍募練五百人合降人李玉成千人疏通烏江大道先

是王成與團首劉世位蕭子登等防烏江上下大麻木大峰巖小河口高江渡黃沙坡逼流水李沙塘丹菌巖石骨嘴各渡至是王成移營老君關隔河鳴礮賊聞潰散十一日進美竹箐十二日至養龍場乘賊無備攻破羊朗賊巢殺賊百餘張亮基亦由省垣遣張樑葉有琛往會旋黔西賊趨遵義石板場王成回禦賊遂燒養龍場場屬修文修文縣庠生邱光翰乞署遵義縣孫鼎珍援鼎珍遣唐忠周輝璽陳紹虞會同王成相機越勦王成移防中路未赴

四月劉嶽昭赴川邊以林肇元李家福駐軍遵義家福

平遵西賊

劉嶽昭擬回四川留林肇元李家福駐軍遵義張亮基請留嶽昭奏畧曰嶽昭勦撫遵義羣賊府境漸次廓清臣前函約嶽昭攻復綏陽即移師渡江會合黔軍掃除江內賊氛為一勞永逸之計嶽昭謂將赴四川與駱秉章崇實籌量全局伏念黔省賊氛滋蔓若無精兵健卒何以自強只以贍軍無資致難自立以有限饑疲之師禦無窮蔓延之寇強弱眾寡其勢懸殊倘使綏城既下嶽昭即以勝師渡江潘何名杰二賊不難以次殲除若竟半途而廢全局必致瓦解解

昭既奉撫滇之命自當馳往籌辦滇事且封疆大吏非臣下敢冒昧請留第其行止之間關係甚大與其舍舊謀新功隳一旦何如駕輕就熟計出兩全等語奏入奉諭張亮基奏請留劉嶽昭暫緩赴滇各摺片覽悉均悉前據劉嶽昭奏請回川籌商軍事當諭令俟遵綏軍務定後即行馳赴新任毋庸折回四川致滋遲誤張亮基惟當與劉嶽昭會商熟計務將綏陽一帶尅日肅清則軍聲自振即可力圖自強不得專恃援兵等諭嶽昭既行家福率降人攻汪草墩於遵北神仙洞破之草墩遁至仁懷廳撲城不克轉竄桐梓太平場楊子和亦助家福勦賊敗屯子巖賊王塌鼻子降之移攻遵黔黔西毗連之來蘇場擒賊目李老保以歸復攻策竹山山高險家福率降人金世耀等督衆猛攻賊以滾木擣石阻不得進用傅元愷計造天輔車始上斬賊目焦五等數百人遵西畧清移軍螺螄堰疏通省道汪草墩由太平場又竄據遵義北大臺砦總兵陳紹屏襲擊破之擒斬袁中智諸賊草墩夜走大梨壩紹屏遣蔡天德率各寨降衆分途追之草墩趨大里復遣管帶陳萬衡踵追不及紹屏慮草墩回據關砦收畧民穀則地險難攻請折毀關砦

專守懷義砦

五月李家福進軍仁懷縣勦賊撫恤難民劉嶽昭由川邊折回

賊退走仁懷縣李家福率軍至二郎壩早穀灘進以陳占魁為鄉導攻下簸箕壩賊寨便道入城家福上其狀於劉嶽昭籌款施衣粥日久欸絀而求食者衆遂移老弱婦女就食川南酌給復業農民牛工籽種於是乞降日多賊首次第殲除漸盡劉嶽昭既行旋奉諭旨劉嶽昭於克復綏陽後曾經諭令該撫由黔西一帶節節掃蕩疏通道路直抵滇省該撫何以

不遵諭旨輒行回至川省等語嶽昭旋即折回溫水六月劉嶽昭請免綏陽丁糧並修理傷亡官兵祠墓綏陽城復後嶽昭籌給難民牛工籽種並填還附郭開濠民田各費共銀二千八百兩交署知縣孟永欽轉發又以縣中亂久民失春耕咨請張亮基奏免本年丁糧永欽以趙里未經擾亂請分別減免嶽昭從之屆時永欽欲一律徵收以縣紳向春賜力陳利害乃止至是嶽昭復籌銀千二百兩合餘糧四千二百餘石價銀撥作陣亡死傷將弁官兵修墓建祠之費多為永欽浮捏報銷又桐梓縣劉應陞為嶽昭採辦

軍米三千餘斛領銀六兩毫未轉發復倣四川兵差須民共助章程稟請每銀一兩加徵二兩設局徵收旋以調署仁懷寢其事

七月四川總督駱秉章奏以劉嶽昭全軍勦辦仁懷黔西等處股匪又檄丁憂四川候補知府蹇閭率所部赴川黔接壤等處防勦

駱秉章崇實成都將軍會奏以嶽昭勦辦仁懷黔西畢節大定匪徒時遵義諸寨甫反正桐梓何元翼猶據油籬口嶽昭慮賊復入遵義縣會商駱秉章檄四川丁憂知府蹇閭率所部安吉兩營回籍防勦遂以副將

續遵義府志

卷二十八 年紀三

十八

唐大有振武三營何行保忠字一營并歸閭節制檄升用提督成耀星率耀安兩營移軍松坎會辦潘長青時乞假歸軍併耀星

八月蹇閭軍至遵義府請免府屬伏差

蹇閭至桐梓新棧與成耀星會旋由新棧進軍府城遣唐大有防縣南尚稽場三公河聞桐梓上年運糧至綏出石炭關因雨雪多凍斃會同知府倪應復知縣孫鼎珍請免府屬伏差

九月劉嶽昭軍勦平仁懷大小屯簞箕壩賊壘復仁懷縣城

初汪麗金以仁懷城復譚繼虞降稟省未幾賊復至麗金避出病歿久無耗嶽昭為張亮基言曰賊首譚繼虞據大小屯汪草墩據簞箕壩大壩石洪明據棗竹山以致平壩馬滾坡羊窩縱橫五六百里皆賊必先肅清仁懷後路無虞乃能進勦黔西大定等處因檄前鋒各軍會勦自駐溫水策應奉諭旨劉嶽昭奏置情形一摺劉嶽昭現在折回黔西大定等處節一帶賊股尚多擬先將仁懷之大小屯等處拔隊撲滅再入黔西庶免後顧之憂該撫已飭各營援隊進攻大屯寺等處而自帶數營橫出仁懷會合夾擊所籌尚妥著即督飭所部提督謝景春總兵宋華美迅將此股賊匪盡數殲除

續遵義府志

卷二十八 年紀三

十九

遂進軍毀馬滾坡簞箕壩大小屯羊窩諸賊壘賊退入平壩副將鄒復勝亦毀來蘇場會攻平壩復毀平壩賊壘賊首譚繼虞賊目何正矩等先遁總兵吳安康收復仁懷縣城擒譚繼虞斬之諸軍復前進追賊嶽昭以縣城空虛命安康與副將楊正高代辦仁懷縣知縣鍾毓洵守之慮賊復犯也嶽昭奏曰查仁懷縣城盤踞累年初則散練遊勇形同烏合後則戕官虐邑膽益鴟張今仁懷於本年六月復失汪麗金病故鄉村官民久不相問張亮基謂仁懷賊壘一律剷平或就麗金一面之詞殊不知縣城復陷已兩月之久

十月成耀星攻克油籬口賊掠正安州先是耀星攻油籬口軍至小壩距口七里知縣劉應陞亦率團來會先下附近諸寨賊中男婦六百餘人皆願

受撫惟何元翼負隅抗拒元翼者楊鳳餘黨據此為老巢口毗連綏陽界地險巖高小如油籬內與鐔尖通足容千人耀星久攻不下乃積薪洞口撓辣椒末以火薰之觸發洞內火藥燒斃丁口千餘兵團乘勢入元翼被燒死擒劫殺松坎釐員首匪誅之 婺川縣廟壩安字號賊走掠正安葛林窩知州彭城乞府城援知府張日崙遣李德貴至會圍擊走之同治六年丁卯正月蹇閭收編降軍會劉嶽昭軍疏通省道

初湄甕黃號賊首王元舉傳占魁劉鎮邦等降於何

續遵義府志

卷二十八 年紀三

二十

行保馮澍以男婦三四千人安置遵義西鄉行保回川付澍經理澍以乏資聽之

馮澍即縣事後仍留辦遵義軍務 鄒復

勝率軍至西鄉知與民不相安徙之大渡口

遵義西南百里

元舉等無食屢求蹇閭閭亦以無力先後散去二千

餘人嗣復勝募練招鎮邦等數百人從餘千餘人均

籍隸下游散無所歸元舉遂率百餘人渡河仍投入

賊閭始擇占魁等精壯者二百餘人為練餘仍遣散

時遵義出烏江晉省大道高茶樹艾子坪一帶帶賊

梗阻閭軍會嶽昭軍破之苟偽元帥授首省道始通

二月張亮基奏請舉行鄉試蹇閭復湄潭縣城

黔省鄉試自乙卯後以賊亂已十數年未舉行至是賊勢漸衰始奏請恢復並補行乙卯戊午兩科 湄

潭自秦安慶去後久淪於賊委署縣事黃克鞏石堽

等皆僦居遵義未入湄境至是署知縣張總蘭駐石

頭山境上書稱縣城四面皆賊只啟祥里一隅稍謐

慮廟壩賊至防守難周因請劉民屯自固蹇閭駐防

遵義賊首唐宗糾眾犯縣屬九龍場綏陽鄭場經何

行保及參將黎佐清截擊賊奔回湄潭閭始改防為

勦遣佐清軍七星坡攻克桐子堡高梁山水佛寺老

龍田大魚塘燈嘴諸賊高臺轟定邦等望風乞降湄

續遵義府志

卷二十八 年紀三

二十一

潭城賊懼遁縣城遂復時川北有警川中調回唐大

有振武三營閭留安吉誠字諸營分防遵南

三月學政黎培敬按試府屬生童蹇閭誅仁懷練目安

邦元

遵義自壬戌至今傳考生童已四屆至是培敬至郡

按試生童並招湄潭餘慶甕安龍泉各縣生童一併

至府補試 蹇閭遣軍至仁懷縣以安邦元久充縣

城練目勾匪陷城破寨罪不容誅歷任知縣恐激變

不敢發閭軍至乃擒斬之

六月廟壩賊掠正安擊走之

婺川縣廟壩賊乘知縣謝邦鑑出防間道走大竹園
縣西南百五逼縣城邦鑑還擊之又趨正安謝壩州
十里界正安掠團寨出禾麻洞逼州城何行保援之賊敗走
五十桐梓

十月白號賊掠綏陽縣旋擊走之

湄潭縣白號賊走掠綏陽縣朗里游家洞旋為官軍
所敗遁去

十一月竄匪餘黨等竄綏陽擊走之

竄匪餘黨暨老號匪竄出綏陽縣瑪瑙山縣紳向春
賜率團截擊賊走遵義縣板橋趨桐梓縣新棧經兵

續遵義府志

卷二十八

年紀三

二十二

團先後擊走之

同治七年戊辰正月川督崇實遣知府唐炯率師援黔

時遵義已無大股匪徒朱明月王廷英等皆走回湄

甕老巢偏刀水玉華山尚大坪轎頂山黃白號黨徒

尚盛不時出犯遵義邊境川督崇實統籌川黔防務

非勦平黔亂則防邊經費永無止期因遣候補知府

唐炯率師援黔炯以總兵劉鶴齡自募江進沿途招

撫所過遵屬四十餘寨遂抵湄潭偏刀水

偏刀水在湄潭東境

三月畢定邦邀擒朱明月於龍鳳寨伏誅

時畢定邦既降於蹇問閭命率眾進擊覺林寺賊朱

明月潰圍南走定邦邀擒於龍鳳寨以獻明月伏誅
四月川楚軍攻克偏刀水

偏刀水地狹而長形勢扼要蔣玉龍駐軍時依險築

壘軍潰為賊所據益修治八門固守為白號劉義順

朱明月等老巢而黃號賊亦多依附者歷年竄擾遵

義皆倚此及玉華山為根據也楚軍李元度等由石

阡克荆竹園攻此不下至是川軍唐炯及蹇問劉鶴

齡至相約會攻築長濠困之黃號賊王廷英等集荆

竹園諸逸賊由檣木園來援至六郎屯唐炯遣降人

李明遠先據屯守復檄參將吳洪貴已革知州顏佐

才等取趙家營扼賊來路又約問來王廷英出援遣

續遵義府志

卷二十八

年紀三

二十三

軍進取檣木園水源溝間以何行保取豬場遊擊鄒

紹南及田應豪取銀瓶壩賊皆走問旋馳至羊叉坳

思南西北二十里距銀瓶壩二間復約炯分軍助炯

十里距檣木園水源溝三十里遣振武軍唐大有赴之王廷英等渡烏江攻豬場賊

勢頗眾何行保固守黎佐清等馳援敗賊進至大關

頭中伏大敗炯所遣唐大有軍適至賊始退廷英復

犯羊叉坳蹇問軍後佐清馳援為賊阻不得進約鄒

紹南田應豪等設伏進擊廷英負創敗走偽帥王廷

芳亡降炯再檄吳洪貴顏佐才等合楚軍擊破觀音

營水源溝檜木園以觀音營黃連壩為門戶其地背負袁家渡江界河退可結玉華山尚大坪諸賊進可結偏刀水廟壩諸賊互相為援觀音營下賊門戶遂失諸軍乘勢進攻檜木園水源溝賊立駭潰廷英等退袁家渡南走夔安江內去炯以振武三營扼防江口又於入黔時已預遣同知鄧錡會同涪南總兵成耀星等同時擊破偏刀水北面巖科白號賊至是偏刀水賊既失王廷英之援又失河西之應勢益蹙閏四月川楚軍急攻偏刀水偽王向成高苗賊江老亮等不支炯密遣間誘降成高為應賊內亂無守志劉

續遵義府志

卷二十八 年記三

二十四

鶴齡彭芝亮等督川楚軍分道攻入擒偽寄信王田應武偽黔陽王何繼述及偽帥何發喜何興儒老教主王禮廷李長俊等誅之降其黨七八千人時白號老賊首劉義順在廟壩廟壩與巖科相近鄧錡雖下巖科而廟壩賊尚眾炯既克偏刀水遣參將周萬順會同鄧錡攻廟壩降賊田歪嘴預約內應開門納錡軍劉義順遁往尚大坪餘眾悉降烏江北岸肅清

五月唐炯回遵義籌糧

唐炯與劉鶴齡至遵義籌糧軍仍駐湄潭一帶謀渡烏江進勦南岸諸賊而遵南進省大道猶間有零寇

蹇閭以遵東無須設防檄何行保諸營移駐螺螄堰刀靶水俟炯進軍即渡烏江清中路會林從太護餉出烏江至黎元哨遇賊陣亡乃先遣把總吳繼美撥一營過江至養龍清匪別遣軍扼落旺河遏何德勝時德勝已死餘黨尚眾餘黨西渡並約劉嶽曙之弟防鴨池河截安順賊北竄

六月唐炯軍攻克玉華山尚大坪轆頂山各處黃白號賊平

唐炯由遵義回營進規玉華山玉華背負尚大坪前阻老鴉山東有石阡大轆頂山西有開州小轆頂山

續遵義府志

卷二十八 年記三

二十五

為犄角自沈宏富久攻不下而去賊據為巢穴歷年負固炯慮軍聚一路首尾牽制因分三道先遣總兵唐大有參將吳洪貴由江界河袁家渡造船渡軍而進命鄧錡會軍酸棗坪遣降人譚光前率諸漢苗出楊家林截尚大坪賊援自率劉鶴齡由江界河當賊前復慮大有兵單且病約蹇閭出養龍東踰南望山同規小轆頂於是副將謝洪章吳洪貴總兵李啟貴攻克天文曉安北五十里木老坪天文南二十里黃平連下猴場曉安北五十里黎子壩黎子壩平溪十餘寨遂復獲安縣城獲安以南達黃平平越漢苗多乞降越

日鄧錡復分軍遣間克大轎頂山陣斬石四貴張義

方炯檄令出甕南九龍山安撫而前進規尚大坪唐

大有率副將張占鼇參將劉萬春劉宇德先出龍坑

渡開州北百里甕安西北九十里襲取大營山連下雷平高園攻至

桃子台軍卻復前賊潰走青桐寨炯慮軍力薄復遣

張文玉率降衆五百自麻池壩破岩坑勝土而前再

下舊土營自大營山以下皆屬開州遣降人龐向忠偽奔夜抵小

轎頂山賊倉卒不及備開關納入官軍尾之從中起

立奪小轎頂山生擒何雙富等青桐寨及龍頭屯越十

北諸賊寨懼皆出降炯檄大有玉文等即出龍頭屯

續遵義府志

卷二十八 年紀三

二十六

會攻尚大坪寨間駐小轎頂山為聲援方是時劉鶴

齡亦渡江界河擊破吳謝坪甕西北九十里斬賊首丁紹棟

進取白岩甕西九十里官塘龍塘直抵玉華山炯繼至指

揮諸軍圍攻斷賊汲道遣降人據對山環呼有兄弟

親戚者即應聲來歸賊愈感副將鄧鴻超及鶴齡等

乘勢率死士踰險並進偽文定王陳紹虞執殺人王

王廷英以獻率黨乞降餘慶甕安開州烏江南岸肅

清炯散脅從撫降衆留精壯以增軍伍會軍尚大坪

檄唐天佑阮土卡斷賊後玉文會大有出大坎遇賊

前賊來爭敗之玉文及鴻超等復率降衆疾馳二十

里夜襲破岩門關平果兩隘平越西北向大坪東數里逼尚大坪

賊壘而軍賊洶懼伏不敢出炯因遣降人劉俊民等

持扎入示賊許以不死於是何德勝妻黎氏偽東震

王何瑞唐粵賊李文彩等開關降老教主劉義順及

覃憲憲間道走炯亟遣俊民等追至楊保河擒義順

以歸解四川伏誅黃白號賊至是悉平

按偏刀水玉華山之戰事本非在遵義境其於黃

白號賊占據之初及蕩平之役所以詳紀者緣黃

白號之亂與遵義相終始受害惟遵郡最酷故詳

其源委俾究心遵亂者有源流可尋非雜紀他縣

續遵義府志

卷二十八 年紀三

二十七

戰事入遵郡志也

七月遵義知府倪應復飭各縣舉辦善後

唐炯上書巡撫曾璧光畧曰竊自率師入黔經過桐

梓綏陽湄潭諸縣田蕪民稀其時桐綏新復寇盜侵

軼未嘗絕迹湄潭則官吏寄居永興場周圍數十里

地而丁糧軍穀釐金不免追呼愁苦怨歎不忍見聞

閏月肅清烏江北岸移師遵郡籌措糧餉見遵義一

縣雖平定逾年而現存戶口不及平時十之三田土

僅東北兩鄉次第耕種然亦不及平時十之六而五

月以來逾月不雨土內乾坼禾苗枯槁六月雖頗多

雨收成不及十之五而桐梓復被大雨漂沒田廬無算愚以為陷賊之區征勦蕩除固在所先而撫存休養宜善其後譬如人病傷寒病時湯劑針灸畧不可緩及其就愈所以將護節宣小失其宜則勞復之證百死一生不可不深慮也今者烏江南岸寇盜掃除地方粗定然流亡未歸瘡痍滿目蕭然無異於大病之新起當此之時若得賢良有司加意拊循寬其財力數年之後筋骸氣血庶復其舊若遂以為大愈不復致調衛之功但見其尚能耕墾負販遽欲責以歷年丁糧目前軍穀釐金別立名色多方科派則流亡

續遵義府志 卷二十八 年紀三

二十八

者不敢歸來狡黠者必復嘯聚利入私門害中地方不可不深長思也即以軍穀論桐梓湄溪未得其詳遵義一縣駐軍一月頗悉顛末緣烏江經省大路寇盜出沒無常商賈裹足餉源枯竭不得不撥勇防護既駐防不得不就近採辦以濟軍食此亦無可如何之苦心而無如所委職紳輩不能仰體子愛殘黎之心一經奉檄虎視鄉閭恣其饕餮不問有無貧富按團派認每石市穀認賣者業經貼銀二錢有奇而自鄉至城自城至駐防所在近者二百餘里遠或三四百里往來率須四五日七八日不等運負之需責令

自辦顛連踣斃相望於道而中途或遭寇殺或為勇遮往往十人出門歸者不過五六至於上納一市石輒加二斗及責令認賣者來城春碾每穀一石責交市斗淨米五斗及發營勇又係糙米雜以糠粃每石入公不過得三斗零耳請試以其採辦之數通計之即知其抑勒乾沒為不少矣剝殘黎之命失士卒之心而徒飽一己之私囊作奸貽害甚非細故今者尚大坪轎頂山寇賊已平烏江大路往來無阻此處防勇及余士舉何正冠團勇均宜裁撤遵義軍穀亦乞停辦其乾沒抑勒伏望嚴究以紓民困等語並請選

續遵義府志 卷二十八 年紀三

二十九

派道府大員分赴遵義思南兩府督同地方官清查絕產逆產安置難民壁光於是飭各府舉辦善後倪應復遂擬具條規詳准立案委員往鄉設局分查田產得穀數千石准作文武鄉會試賓興後以貧劣之徒巧施侵占之計祇入穀千石其餘不可究詰矣附錄清查田產條規一逆產宜分別也被脅從逆之戶只以難抗禦不得概指為逆必須身為首逆授有偽職擾害地方情極兇惡者方將產業全查入官此外不得株連違者查究一絕產宜酌量也查各戶因亡業存並無合例可繼之人設將產業一並入官與逆產究無區別應按其業多寡酌留十之二三以作絕戶春秋祭祀之用庶足以慰幽魂一宗支宜挨查也如本戶並無子孫應歸期服承繼一麻承繼至總麻無人方查產入官毋得任意收沒

一辦理宜變通也查版絕各戶生前已將田業全行
當出或折當分當情節不一及被賊跡以復有業
主叛絕而常主存者有當主俱變通而原主尚存
轉應於人辦理時宜看情節酌量變通而原主尚存
者應於人辦理時宜看情節酌量變通而原主尚存
牽制該首等即應將該團各鄉通中地設局
呈報不該首等即應將該團各鄉通中地設局
該團呈報不該首等即應將該團各鄉通中地設局
戶人等並無查扶絕各處時必結入業以首保甲鄰証實也
查宜將該團也查扶絕各處時必結入業以首保甲鄰証實也
胥吏將該團也查扶絕各處時必結入業以首保甲鄰証實也
情願減姑容此不報一經查實出除將該戶分此等弊
外仍清以應合糊不報一經查實出除將該戶分此等弊
因應清查入官設之罪本年一經查實出除將該戶分此等弊
常收獲酌量認租俟次年再經查實出除將該戶分此等弊
恤不得有挾仇妄報狗情包庇以上各弊一經查出或
及同姓冒認宗支等弊倘有以上各弊一經查出或

續遵義府志 卷二十八 年紀三 三十

被入告發即將該首與舞弊之人一併重究一切
首禁苛派也此次清查設局均遠選公正紳團一
伙馬大食路費均由總局發給並不苛派銀錢等項准各
如有不肖團甲人等藉故苛派米穀銀錢等項准各
花戶指名控治
稟提案懲治

八月曾璧光奏請舉行己巳科鄉試

貴州停鄉試已至五科去歲丁卯補行己卯戊午兩

科至是璧光請於明年己巳特舉一科補行己未辛

酉壬戌恩正三科以廣士子登進之路如所議行後

癸酉正科入奏帶
補甲子正科始畢

同治八年己巳三月總兵成耀星平仁懷匪亂

自鄒辰保伏誅後其黨王洪伸遁回仁懷至是與羅

三順爭圍集思南逸匪與桐梓積匪張開梓等據中
箐頂謀亂署知縣談廷桂偵知飛請駐軍黔西邊境
之總兵成耀星密勒耀星率耀字營至討之不利後
用招撫策平之

同治九年庚午五月遵義縣教案起

往年天津教案議結准英法兩國教士自內地傳教
六年法教士沙布爾至遵義購置楊柳街民房建堂
傳教額其門曰天主堂信奉者日多縣城舊習逢天
中節在火神廟建醮迎表慶祝禳災縣民楊西伯奉
西教輕神道遇迎表於途恃酒毀謗復集多人毀壇

續遵義府志 卷二十八 年紀三 三十一

激成眾怒不約而同將教堂打毀互傷數人遵義文

武各官上陳曾璧光具奏先後諭成都將軍崇實兩

湖總督李鴻章查辦鴻章奏派候補道余思樞至遵

會同襄閭署遵義知府徐達邦訊明啟釁始末讞獄

既成楊西伯流四千里會首楊樹勳流三千里續訂

民教遵守章程案遂結詳見宗教門

八月襄閭平桐梓會匪

遵義縣北大溪里會匪吳三偽王糾眾擾桐梓縣蘆

溪里寨閭以圍練平之

同治十年辛未二月檄撤桐梓縣夫馬局

上年唐炯撤軍回川貴州提督周達武由川赴任取道遵義桐梓縣借故設立夫馬局未免擾累曾璧光檄令撤去畧言提軍入黔軍火餉鞘自給夫馬不累民間茲聞該縣設立夫馬局自桐至遵仍需供應遵邑既已寬免何獨於該縣不然況派費團民官縱自盟清白紳書等未必毫無侵漁彈丸小邑何堪如此剝削嗣後各項夫馬毋庸民間供億一體寬除以示體恤而昭公允等語後日久弊生復不免派之民間復經布政使黎培敬按察使林肇元申禁乃止

九月仁懷知縣涂燦垣平樂天會匪

續遵義府志

卷二十八 年紀三

三十二

思南樂天會匪逸至仁懷附近之吼灘里結趙麻子胡老八等傳習邪教將為亂知縣涂燦垣偵知之派把總趙富邦練日吳國賓往拏匪遁回思南擒趙麻子回縣誅之

十月正安知州樊葆書平州屬竄匪蹇閣誅巨匪張開梓

婺川巨匪鄒友三糾眾千餘疊擾州屬韓家溝場知州樊葆書督練往攻兩戰皆捷復檄團設伏捕之友三遁去積匪張開梓桐梓漆溪里石步人鄒辰保餘黨前隨辰保戕蹇謬於柿岡降後為石步團首多

不法蹇閣辦團愈不自安閭初以綏輯營管帶黎佐清勦之駐軍鴨塘川督吳棠遣提督銜胡國珍與總兵文德勝各率一營至桐梓曾璧光周達武會檄助閭軍於是與佐清同進石步開梓請降旋避匿義子家踰月被獲與兩子同伏誅

同治十一年壬申二月黎佐清平仁懷積匪

積匪在仁懷縣屬者中等頂有王洪伸飛絲巖有馬四韻小溪里有蔡子受溫水汛有何三頑皮張四閭王等十數人燒殺擄掠恣不畏法上年十一月佐清以千人移勦至是悉擒誅之並斬子受黨三百有奇

續遵義府志

卷二十八 年紀三

三十三

佐清因分縣屬大團為小團以免團眾恃勢為非地方始安

五月仁懷知縣羅卿雲遣散燈花教匪

仁懷禮博里田壩寨燈花教復熾集黨三千餘人署知縣羅卿雲偵知檄典史范應金武庠陳應邦驅逐解散之

光緒元年己亥春記名提督何雄輝平正安積匪仁懷縣立天主教堂

正安匪掠土溪蘆卡苟園壩鹽店並燒擄柏木洞署知州彭焯募勇往勦追至鐵窰匪退婺川縣八里面